


स
ना
त
न
ध
र्म

महाकवि सिद्धिदास महाजु या

“थव देश हितं याई
थव जाति हितं याई ।
भाषा याई हनं प्रेम
मामनं स्यंगु का थनं ॥”



शुभ जन्म -

केल त्वा ये ९८७

बंला गा: २.

दिवंगत -

आर्यघाट १०५०

कछला गा: १३.

सच्छि व भिल्लयगुगु सिद्धिदास जयन्ती

११०४

प्रकाशक —

वैकुण्ठप्रसाद लाकौल

मा:बू त्वा:, येँ ।

निमित्त नेपालभाषा परिषद्, न्यत तुंछेँ,

विषयवस्तु फुक्क ह्लाक:या

ज्या जुक्क थाक:या

भोँ तुक्क पिकाक:या

धुगुसी (३००) स्वसल जक,

मू:

सनातन धर्म

(अनुष्टुप् छन्द)

सिद्धिदासं चोगु
नेपाल

केल टोल, क्वाछेननि
सम्बत् १९७५ साल, ज्येष्ठ

सिद्धिदास अमर जुइमा !

श्व 'सनातन धर्म' चीचाहंसां सापं सेल्ला: ताया ।
'महाकवि महाजु' ककाया सच्छिदें बुदिं हनाबल्य प्रकाश
या:गु नं ख: श्व कृति, वयात पितमबिल । संयोगवश छगू
प्रति जिके दयाचवन । अर्थेंतुं महाजु ककाया श्व हे सफू
चवयात:गुया ह्तापांया पौया तसबीर कयातयागु नं दुगु जुल ।
अर्कि उकिइ वयक:या किपा नं तिका: वयक:या 'हस्तलिपि'
द्यबल्य तयेफत ।

श्व प्रकाशन्य कविजुया आज्ञायात छिकथं शिरोधार्य
यायेगु चेष्टा जूगु दु । उकिया औचित्ययात विचार तया-
दिइ माली । सुमाय् !

जय मां भाय् !

भूमिका

थ्व संसारे धर्म थिज्यागु अमूल्यगु धन छुं मदु, गुगु धन
खुं खुइयां धन्दा मदु, धर्म नं इहलोक परलोक थ्व निह्येरं
सुखी जुइगुया निति थ्व सनातन धर्मया खँ नेवाभासं छन्द दयेका
चवया ।

थुकी गनं दोंगु दत सा सुं महाशयपिसं शुद्ध याना हानं
चवया बियादिसं । इति ।

शुचि

१ तुं बुँगा हितियागू लः खुसियागु लखं हनं
छानेया बुलुया चोसा निर्मल जुयकं थमं ।

२ नएगू गुलि दू अन्न लेयावो नयमा सदां
चा फी पाजे दुगूयातं अशुद्ध धायमा सदां ।

३ खिति थाका व हाकूका नवेका जा मते चवने
हिया चाया लखं वैत पवित्र यायतं वने ।

४ चवनेगू थायसं ह्लि ह्लि खिचो खै ह्लि तयेमते
सुचुका तयका वैतं अपवित्र जुये मते ।

श्री

सनातन धर्म

द्या-भूतहित

- १ प्रणाम विष्णुया याना लोकयागु हितं धका
धर्म सनातनं चोया शास्त्रसं लिकया थका ।
- २ इनाबीका सफू चोया लोकयात सितीक नं
दां ब्यूसां वं मखू काए जिद्दी यासां गनं थनं ।
- ३ तुँ बुँगा लँ हितो दैकी प्राणी नं सुख सी धका
फलफुल् बगीचासं सित्तिकं नकि वा धका ।
- ४ रोगीयात सितीकं हे वासः बी फुक रोगया
लहिना याइ वासः नं काययात ति वैत का ।
- ५ वृत्ति नं चूमला धासा लाय बी वं धनं हया
ब्यूसा वं धन वो काई हिं मधाइ हनं वया
- ६ मफूसा थमनं याये अति बी धन बैगुया
मनसा वचनं कर्म युक्ति कंजवी वनं जुया ।
- ७ मुना तै सफुली वं का जाँ काई खंकुसै धका
वेदादि दक्क शास्त्रं का हया तै थव छैस का ।
- ८ शत्रु मित्र बिचा वैके दै मखु धरमं धका
दुखीयात सुखी याई अति व धन ना धका ।
- ९ थव देश हितं याई थव जाति हितं हनं
भाषा याई हनं प्रेम मामनं स्यंगु का धनं ।
- १० मनुख पशुपंछी नं कीटयात नपं हनं
थव प्राण समं खंकी भूतहित धका मनं ।
- ११ ग्याना ज्वी दुःख बी माली प्राणीयात धका मनं
ईशया प्रार्थना याई चाह्लिनं का मनं मनं ।

इति भूतहित नाम प्रथम सर्ग

ध्यान

- १ लोमंके कपिनी दोष लुमंके गुणयागु का
श्व मनं ल्वापु तोतेगु ध्यान याय थुगु थुका ।
- २ छुयासा कपिनी ये जि छु यासा धन दै वका
याय का मन नं ध्यान मेगु ज्या फुक वां वझपा ।
- ३ जिगु थुलि ऋणं का ह्तां पुले फे गबले धका
चा ह्ति न ध्यान याये का ब्याजं नै जिगु धन धका ।
- ४ हित जुयिगु ज्या कवर्या गोय जा धुन का मनं
गबले सिद्ध जुई थो ज्या ध्यान याय सदा मनं ।
- ५ कवर्या सुवा फया ज्वी जि फये जा मखु जि सरा
दुर्लभगु मनू जन्म ध्यान याय सदा सदा ।
- ६ चां ह्तिनं सफुली बोने काल ख्येर छ्वये मखु
धका व ध्यान याये मा लाग जूगु श्व धा बरु ।
- ७ काय व म्हाययातं का आललं सयके धका
ध्यान याय मनं ह्ति ह्ति न्ह्यक्व फूसां धन धका ।
- ८ स्वभाव भिनका जूये जन्म पर्यन्त जि धका
सुथ ह्ताना दना ह्ति ह्ति ध्यान याय मनं श्व का ।
- ९ थुलि जि खर्च याये मा लाभ जू जि गुली धका
ध्यान नं थुलि खंके मा पवित्र ज्वी जि जा धका ।
- १० याय मा ध्यान नं ह्ति ह्ति ईश्वर व्यापकं धका
पाप पुण्य खना चवं वं मापे मा मनुखं श्व का ।

इति ध्यान नाम द्वितीय सर्ग

ज्ञान

- १ गुगु खः दुगु हे धागू ज्ञान दु धाय वयात का
थुगु ली थुगु लूँ धाह्य जानी धाय वहे धका ।
- २ थ्व मनू पशुपंछी का थुह्य की धक स्यूह्य का
थ्व सिमा थुगु घाजे का धाह्य जानी व हे धका ।
- ३ ईश्वरं दयकागू थो पदार्थ गुलि खंगु का
यथार्थ धाय फैगु का ज्ञान धाय थ्व हे थुका ।
- ४ पापी थो थुह्य धर्मात्मा जानी धाये थ्व हे धका
सुनां थो थुलि धाये फू जानी धाये थ्व हे धका ।
- ५ वैद न ज्योतिष वेदान्त धर्म शास्त्र पुराण का
न्याय छन्द हनं वेद गणित सइच्चंह्य का ।
- ६ सत्सङ्ग ब्रह्म जानीया ब्रह्मया गुणगान का
यात सा थ्व मनू जानी धका खंकी मनं व का ।
- ७ आखः बोक्व थमं थूह्य भाषा थूह्य अनेकगू
जनी धाय थ्व हे यात अज्ञानी थूह्य छुं मखु ।
- ८ भूत प्रेत पिशाचं थो देवता थुह्य ईश्वर
धाय फूह्य मनू जानी अज्ञानी मफुम्हं नर ।
- ९ कालं लं मच्चनं खंह्य चिरायु मखु खंह्य का
असार थुगु संसार जानी का थुलि खंह्य का ।
- १० भिन्न ईश्वर वो जीव देहल दिल नाप्प सां
पाप पुण्य फई जीवं ईश्वरं फय म्वा छतां ।
- ११ थुली जां दयका चोह्य अति जानी मनू व जा
तत्त्व ज्ञान वयाके दु मुक्ति वोनी सिका व जा ।

सन्तोष

- १ साधारणं छजू लं फी मगुकं निजु छी वनं
लुमुया भति बल्लागू बाँ बाँ लागु मसो वनं ।
- २ सा मसा म्वा वयातं का यथ्य अन्न फुकं जिलं
सन्तोषी न्ह्याक्क ब्यूसानं मछा वं थ्व मद्दू जितं ।
- ३ गिजे याय मिसापिन्त धाइ जा मखु वं सदा ।
नत्वी नं मखु वं खंसां मेव नारीजनं सदा ।
- ४ जुलं त्याके धका वं जा तै नं मखु मती सदां
डुसा दै धन थः वृत्ति सन्तोषं व चवनी सदां ।
- ५ स्त्रीया विषय सीवं वं वेश्यायात मस्वैह्य का
गुलि दु उलिसं हे तुं सन्तोषं चवनिम्हं व का ।
- ६ स्वाद काये वनं तोती सासागु नयगू सदा
चूलागु नै वनं ह्लि ह्लि सन्तोषं व जुई सदा ।
- ७ मनंगु नय नंका वो तोती का नयधुंगु का
भतीचा नं वनं धाई गा गाका फुक ब्यूगु का ।
- ८ कतिलाके धका वं जा तोती जा मखु सत्य ह्लां
अपो काय धका वैंके मद्दू का कपिनी छ्छ दां ।
- ९ त्यानाव बिय म्वाकेगू युक्ति मा मजुलं वनं
पुलावो ऋण सन्तोषं याई का वं सदा मनं ।
- १० हानि व लाभ जूसा नं दिक्क याइ मनं मखु
चक्कंका जुइ ख्वालं का व्वछुई शिर जा मखु ।

शास्त्र विधि

- १ प्रस्थान सगुणे याये भिगु लग्न स्वका हनं
यो योगु दिनसं वोने धाय जि मखु का गनं ।
- २ ऋण जि मखु काये जा, वाहेक सायतं गनं
पुले मागू व काये वं धाय मा व ऋणं मनं
- ३ वैद्य शास्त्र सया चवंह्य वद्यया वासलं नये
वैद्यं धार्थे नया ज्वीगु तोता बीगु मनि नये ।
- ४ वना गन दु वेदान्ती नेने ब्रह्म गथे चवन
चर्चा ह्लिनछि यायेका ब्रह्मयागु वना अन ।
- ५ धर्म शास्त्र चवने नेने पण्डितया म्हुतुं सदा
सीकाव धर्म पापं का हने का काल जा सदा ।
- ६ नेने पुराण ह्लि ह्लि का लीला व देवतादिया
चरित्र भिनके थःगु धका धाय मनं जि जा ।
- ७ शास्त्रया विधि तोतेगू धाय जा मखु जि सदा
शास्त्रे धार्थे जि नं याना हने जि थन काल जा ।
- ८ शास्त्रका शास्त्र स्यूपिका मान याये सदा हनं
फत सा सयके शास्त्र धका वो जुयका हनं ।
- ९ धन्य धाये सफू ब्वंपि निदानं तैह्य का सफू
सफुली धाल थें याम्हं धन्य धाये वनं बरु ।
- १० अन्नं देह दृढं यार्ई दृढ ज्वी बुद्धि शास्त्रनं
उकि बोने सदा माका अनेगु शास्त्र भीसनं ।

इति शास्त्र विधि नाम पञ्चम सर्ग

क्षमा

- १ म्वाकं हेल्वापु या वोसा मद्रंसां द्रन धा वर्ई
क्षमा याये वयातं का ज्ञानी नं क्रोध वांछुई ।
- २ क्षमाया चुफि स्वैके दै छु याइ दुर्जनं अन थः
लखेसं कुतु वंगू मि स्याय म्वा सी व थमं ।
- ३ बो ब्यूगु व सुवा ब्यूगु तासां बांलाक ह्वाय्पनं
मताई उगु काले स क्षमा याय धका मनं ।
- ४ बल मद्दहा गंसी सा ग्यागुलि यात का क्षमा
बल नं दुहासैं यक्को याई ज्ञानी जुया क्षमा ।
- ५ सकलें वश जुया वैका क्षमा याय फुत्ता सदा
वया ज्या सकतां सिद्धि जुया वै धा मनं सदा ।
- ६ पासां दासां कयाच्चंसां नो म्वा वन सो थनं
क्षमा याह्य जुया भूमि सकस्यां यो स्वका थनं ।
- ७ अन्याय छन्तनं यागू स्वये जा जिमिसं मफू
ल्हानुं धासां मवों वोनं सुंक चरनि वनं बरु ।
- ८ तं लिसाले मफूसा नं स्व क्षमा वैके छुया वर्ई
क्षमा स्वैके मदै बैके पाप नं बास या वर्ई ।
- ९ तप दै ला क्षमा थिगु क्षमा धर्मया मूल का
स्वैत मनिगु दै धर्म धर्म यो मदु स्वैत का ।
- १० क्षमायात लही मा का सुखयात फुकं फुका
क्षमा याह्य जुया विष्णु लोकसं गुलि नां दु का ।
- ११ जप मा ज्वन भक्ति का विष्णु विष्णु धका थनं
क्षमा हे तवधं का स्व धर्म शास्त्रं तलं थनं ।

मन दमन

- १ चंचलं जुल का सो सो यन्त्रया घडि थें मन
बुद्धि वैत लिसाले मा यत्थें छुय मते मन ।
- २ मन जा सल धाय मा बुद्धि वैत सवार का
बग्गी धा श्वह्य फुक्कंका मन साथे वनीह्य का ।
- ३ भिथाय भिगु ज्या संका भिगु खें गन दे अन
बुद्धि छोये मनैतं का करकापं सदा अन ।
- ४ मन चिय सुनां फैं का भोगया खिपतं विना
नया जुया थिया सोया सिलं का थुलि तं निना ।
- ५ संगत रंग उत्थें धाय् तुयुगु कापतं मन
गुगु रंग छिना छोटं वहे रंग जुया वन ।
- ६ मनया बहुरूपं का हिलेगु श्व स्वभाव का
बुद्धि हीके मबी मा का धिर याय मनं धका ।
- ७ मन बुद्धि मिले जूसा संसारे तइ कीर्ति का
मनं याय धका यासा इन्द्रिय स्थिर मचोंन का ।
- ८ मन हे जुल का शत्रु मन हे जुल मित्र का
नरक स्वर्ग छवैबीह्य मन हे जुल भीत का ।
- ९ छको खंगु मनं खंका न्ह्याको दूरगु चीज नं
मनूया गुण सीका श्व स्वयेगू गुण भीत नं ।
- १० मिखां खंगु मनं खंका स्वभाव मनया थथें
सफुली स्वयका ह्लिह्लि बुद्धि पुष्ट जुई अथें ।

इति मन दमन नाम सप्तम सर्ग

तपस्या

- १ गुह्यसे गुगु ज्या जोन उगू ज्यास सदा वने
अल्सी भ्याक मचसे हे सदानं उगु ज्या सने ।
- २ ब्राम्ह क्षेत्रिय वैश्यं का शूद्रयात नपं हनं
याय मा गुगु का ह्लिह्लि तोते जा मडु थो वनं ।
- ३ उद्योगी जुयमा ह्लि ह्लि अल्सी मडु जुये छको
तपस्या थुगु भापा का या वने फुगु ज्या फको ।
- ४ ज्यां धका थन संसारे धाक्क माल दयेकलं
ज्या फुक्कं तवधंका स्व ज्यां धका दत का धनं ।
- ५ मन् व पशु पंछीया नयसा मनसे मफु
बुं ज्याना पियमा अन्न मेतां प्राण च्वनी मखु ।
- ६ लोकया हितया निति शिल्प जा दयके हनं
कारण कार्य नं ज्वीका तपस्या थुगु नं खतं ।
- ७ गुह्यस्या गुगु मन्तं का उगु काय हिला धका
याय मागु व्यपारं का तपस्या थुगु हे धका ।
- ८ तिसा व वसतं हे का बांबांलागु मिसा मिजं
चीज वीज दयेकेगू अधिकं थनसं भिनं ।
- ९ मूर्ख बोध जुयेकेतं बोके मा का सफू सदा
संसार मूर्खनं स्येकी पण्डितं भिनकी सदा ।
- १० ज्या तोता तप याये स्वा ज्या यात तप धाय का
लय ईश्वर नं ताई वं धमे कर्म यातसा ।

सम

- १ शत्रु मित्र उर्थे खंकी वंके जा भेद दै मखु
 सुख दुःख नितासं का भति हे मन स्वै मखु ।
 २ हानि व लाभ जूसा नं मनयात तई समं
 मान ब अपमानेसं मन याई वनं समं ।
 ३ निन्दा स्तुति समं याई यो मयो श्व नितां समं
 थः स्याथे सकस्यां स्यागू समानं खनिका मनं ।
 ४ तुला दण्डी छको सोम्हं जूला बराबरं धकं
 षवसाली गन दण्डी का सम याये स्वई हनं ।
 ५ समान सकस्यां यो का विषम यो सुयां मदु
 गागीवंगु लजेसं स्व वनेत न्ह्या सुयां मदु ।

इति सम नाम नवम सर्ग

चित्त शान्ति

- १ लुमंका स्वागुली धन्दा मछिके जा मते नुगः
 लुमंका हरिया लीला लोमंके उगु का फुक ।
 २ लुमंका मदुको वस्तु शोक याय भिनं मखू
 धन्दां गंसी जुया वोनी ह्लोनि वो गबलें मखू ।
 ३ छु जुई गुगु ज्वी भापा धन्दा काय भिनं मखू
 अवश्यं जुयि ज्वी मागू मजूसे च्वनि जा मखू ।
 ४ व श्व मदुगु खंका का मन स्योके मते छन्हू
 स्येना वंगु सिना वंगू हानं दै गबलें मखू ।
 ५ मन स्वेव स्वया वै का धर्म कर्म वया फुकं
 धर्म कर्म सुनां तोती बुया वै पापया म्हुकं ।

इति चित्त शान्ति नाम दशम सर्ग

“सिद्धिदास अमात्यं नं
 दयका थुगु छन्द नं
 जेष्ठ मासे शिते पक्षे
 तिथि जा अष्टमी हनं
 सम्बत् नं झिङ्गुसः न्हेन्या
 विक्रमादित्य नाँ बले
 सिधलं थुगु ग्रन्थं का
 आनन्दं मन जा बले ।”

सिद्धि अमर वाणी

(थुकी दुगु छुँ)

“बुद्धि नैत लिसाले मा, याथेँ छुय मते मन ।
“दुर्लभगु मनू जन्म, ध्यान याये सदा मन ।
“लोमंके कपिनी दोष, लुमंके गुग यागु का ।
“थव प्राण समं खंकी, भूतहित थव मन ।
“थः स्या थें सकस्यां स्यागु, सफानं खनिका मन ।
“उद्योगी जुय मा ह्लि ह्लि अत्सी मदु जुये छको ।
“लुमंका स्वागुली धन्दा, मछिन्केजा मते नुगः ।
“संसार मूर्खनं स्येकी पण्डितं भिनकी सदा ।
“कतिलाके धका वंला तोती जा मखु सत्य ह्तां ।
“मन स्वेव स्वयावैका धर्मकर्म वया फुकं
धर्मकर्म सुनां तोती बुया वै पापया म्हुकं ॥”

थव संसारे धर्म थिज्यागु अमूल्यगु

धन

छुँ मदु !